



# Plan farmaceutskih beneficija Pharmaceutical Benefits Scheme (PBS)

## Šta je PBS?

Mnoge vrste lijekova koštaju više od iznosa koji za njih plaćate – neki koštaju stotine dolara. Putem Plana farmaceutskih beneficija (Pharmaceutical Benefits Scheme (PBS)), australijska vlada subvencionira troškove široke lepeze lijekova na recept. Repatriation Pharmaceutical Benefits Scheme (RPBS) daje pristup PBS-u i dodatnim farmaceutskim proizvodima za ratne veterane, ratne udovice/udovce i njihovu djecu koju izdržavaju, ako ispunjavaju uslove.

## Da li imam pravo na PBS?

Svi građani Australije imaju pristup jeftinijim lijekovima putem PBS-a.

PBS lijekovi su također dostupni posjetiocima iz sljedećih zemalja koje na to imaju pravo: Italije, Novog Zelanda, Republike Irske, Finske, Norveške, Malte, Holandije, Švedske i Ujedinjenog Kraljevstva. Australija ima recipročne aranžmane o zdravstvenoj zaštiti sa ovim zemljama.

## Koliko ću platiti?

Iznos koji plaćate za PBS lijekove zavisi od vrste vašeg statusa što se tiče ispunjavanja uslova. Od 1. januara 2011. godine, participacija za općeg pacijenta iznosi do \$34.20# za svaki PBS lijek. Ako imate važeću karticu za popust od Centrelinka ili Ministarstva za boračka pitanja (Department of Veterans' Affairs - DVA), u tom slučaju vaša participacija će iznositi \$5.60#.

Ako imate DVD bijelu karticu (DVA White Card) za specifične bolesti i vaš lijek se odnosi na te bolesti, u tom slučaju vaša participacija će iznositi \$5.60#, u suprotnom ćete platiti iznos koji se odnosi na općeg pacijenta.

## Šta treba da učinim?

Da biste bili sigurni da plaćate korektan iznos za vaš lijek, svaki put kad dobijete recept za lijek pokažite apotekaru vašu važeću:

- Medicare karticu
- Centrelink ili DVA karticu za popust (ako je imate)
- Karticu za PBS zaštitnu mrežu (ako je imate).

## Šta će se dogoditi ako kod sebe nemam kartice?

Važno je da kod sebe imate kartice kada uzimate lijek na recept u apoteci. Ako kod sebe nemate Medicare karticu, karticu za povlasticu ili za Zaštitnu mrežu (Safety Net), možda ćete morati platiti viši iznos za vaš lijek. Ako se to dogodi, tražite od apotekara da izda službeni PBS račun## za refundaciju (ne samo obični račun) i popunite formular pod nazivom PBS Patient claim for refund (PBS zahtjev za refundaciju). Ovaj formular možete naći na adresi [www.medicareaustralia.gov.au](http://www.medicareaustralia.gov.au) ili ga možete dobiti u svakom uredu Medicare.

## Mogu li da tražim lijek jeftinije marke?

Možete tražiti od doktora da prepíše lijek jeftinije marke, ili vaš apotekar može nabaviti jeftiniji lijek ili generičku marku originalnog lijeka koji vam je prepisan.

Jeftiniji ili generički lijekovi imaju isto djelovanje. Mada mogu izgledati različito, imaju iste aktivne sastojke i ispunjavaju visoke standarde protokola za davanje terapijskih artikala (Therapeutic Goods Administration), što se tiče kvalitete, sigurnosti i efikasnosti djelovanja lijeka.

## **PBS zaštitna mreža (PBS Safety Net)**

### **Šta je PBS zaštitna mreža?**

Ako vi i vaša porodica koristite mnogo lijekova u jednoj kalendarskoj godini, PBS zaštitna mreža vam pomaže da smanjite troškove kupovine lijekova. Kad vi ili vaša porodica dostignete granični iznos zaštitne mreže, možete predati zahtjev za PBS karticu za zaštitnu mrežu – u tom slučaju vaši PBS lijekovi bit će jeftiniji ili besplatni# do kraja kalendarske godine.

### **Šta treba da radim?**

Morate voditi evidenciju o potrošnji PBS lijekova na formularu pod nazvom Prescription Record Form (PRF), koji možete dobiti u apoteci. Svaki put kad dobijete PBS lijek, dajte formular apotekaru tako da se može ubilježiti lijek. Vaš apotekar će možda moći voditi evidenciju na kompjuteru, ali ako to nije moguće, ili ako posjećujete različite apoteke, najbolje je da sami vodite evidenciju.

Ako imate porodicu, raspitajte se kod apotekara o stavljanju kombinovanog iznosa koji trošite pod porodičnu zaštitnu mrežu.

### **Ko može biti uključen u porodičnu zaštitnu mrežu?**

U okviru PBS zaštitne mreže, porodica se sastoji od vas i:

- supružnika ili nevjenčanog bračnog druga
- djece ispod 16 godina starosti o kojima vi vodite punu ili većinsku brigu, ili o kojima vodi brigu vaš supružnik/nevjenčani drug
- redovni studenti ispod 25 godina koji su o vama u potpunosti ili većinom zavisni, ili zavise od vašeg supružnika/nevjenčanog druga.

### **Koji su trenutni granični iznosi za zaštitnu mrežu?**

Od 1. januara 2011. godine, granični iznos za opće pacijente iznosi \$1317.20, a za osobe sa karticama za popust \$336.00.

### **Šta će se dogoditi kada dostignem granični iznos PBS zaštitne mreže?**

Čim se budete približili graničnom iznosu zaštitne mreže, pitajte apotekara kako možete dobiti karticu za zaštitnu mrežu. Čim vam apotekar izda karticu za zaštitnu mrežu za PBS lijekove, sve do kraja kalendarske godine vaša participacija kao pacijenta u okviru zaštitne mreže iznositi će:

- \$5.60# ako ste opći pacijent
- ili
- besplatno# ako imate karticu za popust.

### **A šta ako sam dobio ljekarski recept za lijek koji nije na PBS listi?**

Vaš ljekar može prepisati i lijek koji nije na PBS listi lijekova, ili koji nije moguće dobiti u okviru PBS-a za vašu bolest-ovakav ljekarski recept se ponekad zove 'privatni recept'. Ljekar će ovo naznačiti na receptu a vi ćete morati platiti puni iznos lijeka u apoteci. Troškovi lijekova koji nisu izdati na PBS recept ne računaju se u svrhu graničnog iznosa za PBS zaštitnu mrežu.

### **Ponovno izdavanje istog lijeka u kratkom roku u okviru 20-dnevnog pravila zaštitne mreže (Safety Net 20 day rule)**

Da bi PBS lijekovi ostali jeftiniji za sve, PBS lijekovi na recept se ne bi trebali dizati ranije nego što su vam potrebni. U okviru 20-dnevnog pravila zaštitne mreže ponovno izdavanje istog lijeka u kratkom razmaku znači da je isti lijek koji je ranije uzet na recept ponovno izdat u roku 20 dana nakon prvog puta.

Ako vam treba ponovno izdati isti lijek u roku 20 dana, 20-dnevno pravilo u okviru zaštitne mreže znači da, kad su u pitanju određeni lijekovi, ovo izdavanje lijeka se neće računati za potrebe graničnog iznosa zaštitne mreže (Safety Net). Ako ste već dostigli ovaj granični iznos zaštitne mreže, platit ćete PBS participaciju koja se na vas inače odnosi umjesto smanjenog iznosa u okviru zaštitne mreže.

## PBS participacija za 2011. godinu

	<b>Opći pacijenti</b>	<b>Nosioci kartica za popust</b>
<b>Participacija pacijenta</b>	Up to \$34.20†	\$5.60†
<b>Granični iznos zaštitne mreže</b>	\$1317.20	\$336.00
<b>Participacija pacijenta u okviru zaštitne mreže</b>	\$5.60†	Besplatno†

† Ako odaberete skuplju marku lijeka, ili je prepíše vaš ljekar, možda ćete morati više platiti – dodatni iznos koji platite ne računa se u svrhu graničnog iznosa za PBS zaštitnu mrežu.

### Kontrolna lista

- Uzmite sa sobom Medicare karticu, kao i DVA ili Centrelink karticu za popust, te karticu za zaštitnu mrežu ako ih imate kad budete dizali PBS lijek na recept.
- Pitajte ljekara ili apotekara da li postoji jeftiniji lijek od onog prepisanog.
- Raspitajte se kod apotekara o PBS zaštitnoj mreži – vodite evidenciju o kupljenim PBS lijekovima na PRF formularu ili zamolite apotekara da vodi ovu evidenciju za vas i vašu porodicu.
- Kad se budete približili graničnom iznosu zaštitne mreže, pitajte apotekara kako možete dobiti karticu za zaštitnu mrežu.

### Za više informacija o Medicare

Internet **[www.medicareaustralia.gov.au](http://www.medicareaustralia.gov.au)**

Email **[pbs@medicareaustralia.gov.au](mailto:pbs@medicareaustralia.gov.au)**

Nazovite **1800 020 613\*\***

TTY **1800 552 152\*\*** (Za osobe s oštećenim sluhom i poteškoćama u govoru)

TIS **131 450\*** (Služba prevodilaca i tumaca)

# Ako odaberete skuplju marku lijeka, ili je prepíše vaš ljekar, možda ćete morati više platiti.

## Povrat iznosa koji primite možda neće pokriti cijeli iznos koji ste platili za lijek.

\*Za poziv se plaća.

\*\*Za poziv se plaća samo ako zovete sa mobitela ili iz javne govornice.